

第四九九冊

博物彙編

神異典

僧寺部

塔部

(卷)

一一二九

一一三〇

古今圖書集成

中華書局影印

容僧繇曰後當賴此及後周廢浮屠法獨此寺有孔聖像得不燬明洪武初復修

葛陵寺

寺在府城相傳葛洪煉丹於此丹井尚存

誌公巖寺

寺在郎陽府房縣西北二十五里誌公禪師碑存

馬巖寺

寺在房縣西百里馬祖道場碑尚存

仙宮寺

寺在房縣西南四十里陳搏修煉處石基猶存

鐵佛寺

寺在長沙府城北唐建鑄三鐵佛因名元燬明洪武初重建

花藥寺

寺在衡州府郡城西南創自宋寶祐年舊傳爲晉黃葛二仙煉藥處

花光寺

寺在衡陽太平鄉宋僧花光居此黃山谷過之贈以詩

福嚴寺

寺在衡山亦云般若寺舊有唐梵經太宗御書五十卷

楚興寺

寺在永州府城西四十里其地卽金剛山五代時楚王馬氏屯兵於此夜聞鐘聲遂建寺以鎮之內有高麗國僧鐵山塔

書堂寺

寺在府城北二十里唐僧懷素故居中有懷素遺像向有碑石後燬

崇勝寺

寺在岳州府君山晉創呂雲卿遇江叟吹笛名洞庭神卽此

至源寺

寺在臨湘縣南八十里僧寶方精經典明神宗召入禁內賜有衣鉢幡幢藏經藏於此

一歸寺

寺在臨湘縣六十里金竹山下溪帶秀絕爲一邑勝景

穀山寺

寺在臨湘縣唐創相傳寺左有一塔客二僧塔前有柏一株樹下一隙每日空中流穀二升以給二僧一日老僧出募其徒以斧鑿其空欲其多隨止不復有樹亦漸枯塔亦壞至今基址猶存

佛光寺

寺在常德府西南五里有沈約嘯臺

福建通志

萬歲寺

寺在福州府九仙山西有浮屠七級曰定光塔唐天祐中閩王審知建梁開平中表請上祝聖壽曰萬歲塔元黃鎮成重建定光塔銘有厚壤祇幽圓珍發貯繫修於寸積重於株石鵝川運材伐山輸等語嘉靖中雷震萬壽寺塔藩司屠僑詣寺拜火天方雨急以雨衣藉地拜至三塔頂所覆鐵鼎忽然墜地大書曰諸天及人無由見鼎地搖三日天雨四花土田三變

今古同時屠人握閩雨衣三拜其事甚奇

法海寺

寺在羅山本梁孟司空捨宅爲之有羅山館萬緣堂諸勝旁有彌陀殿明末重建

開元寺

寺在芝山南梁太清中建唐開元間改今名會昌中汰天下僧寺州存其一卽此南爲靈源閣閣額靈源二字書文皆作水形爲面南厭火而設閣上復祀羅計星像以制之大殿後向爲藏經院按圖王審知時泥金銀萬餘兩作金銀字四藏經各五千四十八卷栴檀爲軸玉飾諸末寶髻朱架內龍腦其中以滅蠹蟬唐翁承贊爲之碑銘

光孝寺

寺在閩縣時昇里宋崇寧中建政和間改天寧萬壽寺曰松風堂李綱謫居寓此有詩又曰藏六庵李邵建有枯木有人能采菌白牛無地可施鞭之句又有海月來薰二亭

鼓山湧泉寺

寺在閩縣唐建中間閩王審知命僧神晏居此歷代興廢不一明初重修有華嚴堂白雲堂妙峰閣一多庵癡坐軒愁睡室無盡門

大乘愛同寺

寺在閩縣東山梁大同年置大乘寺十二年又置愛同寺唐大中間合二寺爲一送名中有夜光臺神僧室諸勝

南澗寺

寺在侯官縣神光寺東梁大通間蘇清捨宅爲之唐

乾寧中建殿以地在烏石山澗旁故名有石佛像天寶間驟雨雷電從地湧出毀陽曆記

西禪寺

寺在候官縣永欽里怡山唐咸通間長沙瀉山僧大安居此五代唐更名長慶明宣德間重建有奎華閣明遠亭紫翠亭放生池諸勝

鳳池寺

寺在候官縣鳳池山五代漢乾祐中建有擢秀亭翠微亭宋建炎二年進士題名於此又覽輝亭鳳池軒華池閣陳瓘被放後蒙恩自便居此李綱有鳳去空餘舊浴池竹梧交蔭翠參差之句

九峰寺

寺在候官縣興城里唐大中創咸通中賜名九峰鎮國院柳公權書額

仙宗寺

寺在候官縣六都五代唐同光二年創元至正間重修有寶峰亭洗鉢池曇花磴虬松關金鷄嶺卓錫泉垂蘿徑諸勝

極樂寺

寺在古田縣十二都唐天寶建明萬曆間重修有息見亭自貞軒放生池伏虎庵宋縣令李湛有詩

天王寺

寺在長樂縣西隅唐建初有檀木迦江湖而上牧童取之夜中發光里人林銡夢其木謂我北方毘沙門天王遂捨宅爲寺故名有天王閣烟蘿亭望江亭藥壽臺松石峰今多頽圯

竹林寺

寺在長樂縣十二都唐戶曹林勣捨宅爲寺有藏經室函藏經五百餘軸內函係乾德中得於海上以巨螺盛之乃妙蓮經也寺後一山其形若龜蔡襄嘗至其地指爲龜山有親筆勒於石又通判蔣之奇有詩又有白龍巖安適軒

靈峰寺

寺在長樂縣十九都唐建初名龍龜寺八年賜額有香爐靈山天池諸勝明萬曆間重修朱董淵湛俱有詩

寶應寺

寺在連江縣仁賢里白巖唐建張堂尚書讀書其中夜間鐘鼓自鳴明正統元年重建

寶林院

院在連江縣中鵝里唐建有獨覺巖雷移石唐宣宗時僧法詮與涅槃大潑怡山諸老爲法空友寺後絕峰有巨石如覆盆詮雅好居之欲移其室而未能因指之曰人實無力神乃有功俄而風雨雷電作詰旦石移山下儼然一室詮居其中四十年坐化

寶華巖庵

庵在連江縣清里巖下有石室石洞頂有塔定光佛庵居其中丐夢多驗內有石眼泉基盤石伏虎石九仙跡鈴羊洞栖賢亭諸勝唐大中間建明永樂重修

聖水寺

寺在羅源縣蓮花山下宋建有筆硯峰龍虎巖仙源泉彌陀石玉井金鐘潭樓雲洞眠鶴亭

方廣寺

寺在永福縣保安里方廣巖下山半有石天門王翰

鐫飛珮二字

名山寺

寺在永福縣二十都高蓋山之下唐建五代唐賜今額有東西二石室

靈石寺

寺在福清縣清源里唐建先是武宗時僧元修結庵於此誦七俱胝呪治疾祟後深入巖谷中人以爲遁去有疏甲泛流而下乃沿源訪而得之再往則廬已虛蓋避會昌禁也宣宗時出詣闕貢金買山始創精舍名翠石院至是賜靈石俱胝院額宋天聖初重修有仙人碑蟠桃塢等十勝

延慶寺

寺在福清縣新安里五代唐建初名靈曜宋賜今額山泉甘冽所產茶異常品

靈隱寺

寺在福清縣龍仁寺旁宋建有不溢泉平步臺小龍潭海月庵

重興寺

寺在福清縣光賢里五代周建初爲庵名大悲至是拓之乃更今名旁有石高峰石馬泉

開元寺

寺在泉州府晉江縣肅清門外邑長者黃守恭捨宅爲寺初名蓮花寺寺有東西二塔東塔號鎮國唐僧文偈作木塔宋易以石西塔五代閩王審知建木塔號無量壽塔宋紹興始爲石塔明萬曆間參政黃文炳修正殿法堂及兩廊萬曆三十二年地震東塔頂折邑人侍郎詹仰庇修之三十四年大風西塔葫蘆

壞大學士李廷機修之如舊

寶藏寺

寺在德化縣未建時有牧者繫牛於此忽有一人追之須臾不見後即其地掘之得洪鐘鄉人爲蓋寺故名

梵天寺

寺在同安縣大輪山阿齊舍東有朱子刻戰龍松三大字於石旁有泉歷壑而下曰靈泉越壑上有瞻亭二字倒挂於石亦朱子書其巔峰四望海色蒼冥竝歸一覽朱子有隸書於石曰極目翠微之際

永安寺

寺在建寧府建安縣黃華山麓創自唐貞觀中五代唐爲功德院更名永安宋名十方禪院明嘉靖間因大中寺火移建於此爲祝聖道場

開元寺

寺在甌寧縣雲際山麓晉時建俗傳爲呂蒙故宅初名林泉唐改今額元於紫芝峰頂建塔曰善見後燬明天順間建丹青閣於寺左半山之阿駕橋以渡萬曆間閣左建馬仙庵向有佛牙僧視爲法寶

報恩光孝寺

寺在甌寧縣獅峰之麓宋賜名景德院崇寧中改崇寧政和間又改天寧萬壽寺紹興七年改今額明萬曆間建輪藏寶塔

龍山寺

寺在甌寧縣龍首山下初建於長汀名龍山福王院五代間移今所內有華歆井瑞松亭

斗峰寺

寺在甌寧縣明初建中有石鼓松蘿蓮花湖仙會亭白雲橋占星峰卓錫泉蘸月池

勝果寺

寺在浦城縣治東隅漢越王餘善行宮故址梁武帝祀名崇雲寺隋廢唐改今額明永樂間累修又圯萬曆間重建

聖跡寺

寺在建陽縣唐咸通間建相傳馬道一禪師卓錫於此留跡在石深如篆鐫

光化寺

寺在崇安縣唐咸通中創於隱榮之後田地苦沮下宋祥符中遷於濯纓坊跨山爲址寺有龍藏井龍經樓寺門之右爲張仲龍讀通鑑室朱子爲記

瑞巖壽聖寺

寺在崇安縣唐廣明庚子建宋熙寧三年賜名壽聖寺隆興初賜瑞巖額先是扣冰古佛自廣福移錫居霄歷山有仙人曰請師更入東山中有古道場蓋此地云

烏山興福寺

寺在崇安縣其地舊爲鬼區多古松怪木神鴉羣集人無敢採樵者唐咸通五年行全和尚即其地建寺後有壇世傳爲古佛撒麻降魔處

報恩寺

寺在崇安縣有漆觀音像又甕有舊醢久而不敗皆唐時物也

報國寺

寺在延平府南平縣新興里五代唐建舊有開山寺

僧普明嘗置醋一缶囑其徒遇佛諱日以湯投之酌而且用以和蔬後經數百餘年尚有色味不變

靈巖廣化寺

寺在興化府城南門外鳳凰山下梁陳間邑儒鄭露居第捨爲金仙院隋開皇間改爲寺唐景雲初賜額靈巖柳公權書宋太平興國初改賜今額近寺別爲院者十爲庵者百有二十今院惟東塔西塔月峰庵惟普門南山存東塔院內有石浮屠高五級

囊山慈壽寺

寺在莆田縣延壽里唐中和初建有慧薰塔宋淳熙志云妙應大師塔也示寂於唐乾寧中宋紹興中易額慧薰

龍華寺

寺在仙遊縣西南仁德里隋大業中僧惟勝結茅於此山林幽邃人跡不到後有白龍銜白蓮自空中來獻故名寺內有石浮圖二高各有三十餘丈屬院十有一庵七十七宋朱林篆陳易嘗隱此山寺屢燬於火宋紹興元元貞明洪武萬曆間屢建

仁壽寺

寺在邵武府邵武縣東南隋仁壽間建中有十景遊人多題咏焉

西庵寺

寺在邵武縣東三里兩山環抱由月山循谷而入別成洞天

廣福寺

寺在邵武縣西南唐會昌間建爲邵武叢林勝地掛錫常數百衆

金鏡報國寺

寺在建寧縣城東金鏡山之麓後梁龍德間建內有八景曰白蓮池紅芍圃虎溪橋蟾窟井龍鱗松鐵線梅翠蒲洞白玉峰

開元淨慧萬歲寺

寺在漳州府治西北唐嗣聖間建又有明皇銅像宋末燬於兵元開元與淨慧寺合爲一賜令額明洪武間扁曰紫芝峰宋張徵詩鑄金像出開元末檢玉書藏景祐間

淨衆寺

寺在府治西北梁貞明二年建明末樂開扁其門曰萬松峰宋郭祥正詩南州三百寺此寺最輝煌

清泉寺

寺在詔安縣西北五里宋胡損隱於此寺前有泉清而甘以此得名

目連寺

寺在寧德縣後周顯德元年僧雅公建名靈石庵宋開寶五年重建僧義韶居此四十餘年不食自飽嘗衣紙衣飄若環珮

昭明寺

寺在寧德縣十七都梁大通元年昭明太子建賜額并造浮圖以鎮溫麻

方廣寺

寺在寧德縣十五都元至元間建寺在萬山中境界幽絕澗水清瑩可照可濯與鳳山寺俱有靈異

大慈寺

寺在成都府城東唐至德間建明皇書大聖慈寺四字

聖壽寺

寺在府治西南漢建在唐爲空慧寺後改龍淵孟蜀時宰相王處回捨宅以廣其基規制壯麗至宋大中祥符間移聖壽寺額於此中有秦太守所鑿石屏今在殿前俗呼爲石牛寺殿中有井相傳與海通所謂龍淵也或云寺後有鄧艾廟爲有識者散去之內有唐太和中馬季武所書經呪石幢縣令雷叔聞嘗結詩社於此名曰竹林

普慈寺

寺在府治東蜀人多於此餞客宋漢仲明詩城東蕭寺無人跡幾度曾因送客來

祇園寺

寺在華陽治東南殿壁有琴聲撫掌則聞

龍潭寺

寺在華陽治東寺內有古八角井

梵安寺

寺在成都治西南五里前代爲尼居名桃花寺隋文帝時易以僧大厓中崔寧鎮蜀以冀國夫人任氏本浣花女遂重修之繪任氏真於其中會昌中欲燬寺夜聞女子啼泣之聲乃止已而禱雨有驗明改今名俗呼草堂寺

東林寺

寺在內江縣治東北隅宋紹興十一年僧會照建明洪武中耆民陰覺賢重修傍崖結樓即石鐫像高閣臨江渚俯秋水之清漣紺殿列峰巒望晴雲之縹緲

消蟬鳴於六月聽漁唱于三更

西林寺

寺在內江縣治北一里宋咸淳五年僧道果建明洪武中僧昌慈重修萬松鬱鬱俯瞰江流多水雲逸起日光初出影浴金波與東林並勝

石經寺

寺在簡州治北明正德間楚山和尚入滅於此甲申賊三舉火而三燬遂相駭去成都知府翼應熊有題味

惠劍寺

寺在什邡縣治東一十里唐波淪禪師嘗以劍飛卓於此

羅漢寺

寺在重慶府榮昌縣治南有唐明皇御製石刻

觀音閣

閣在榮昌縣治北三里佛光常現

資福寺

寺在順慶府西充縣治東唐圭峰禪師說法於此二龍聽講是夜雨花

靈泉寺

寺在岳池縣石壁間有王右軍遺筆

樂巴寺

寺在保寧府通江縣西四百里樂巴真人建法座下有石穴每歲仲夏一蛇可三尺許先出羣蛇大小顏色不一絡繹隨之遊于殿堂几榻廚器之間或至數日絕不畏人人亦弗相害也必僧爲食以飼之食已其先出者先至穴口俟羣蛇畢入而後入焉土人傳

爲四萬八千尾云今尚然

甘露寺

寺在桐梓縣三坡砌石爲徑高下迥異行人憩此每苦渴甚副將陳福平寇至此見軍士覓水弗得爲之惻然因建寺一所相巖度勢斷木爲槽引水五里施茶往來恣飲不涸巡撫張德地查捕經臨憑覽久之因題其名爲甘露焉

龍泓寺

寺在嘉定州治四里石壁間有九龍相傳唐明皇幸蜀時鑄

旌喜院

院在眉州基願山北宋建蘇轍嘗讀書其間及轍顯以爲功德寺中有韓琦等記蘇洵詩石刻

白塔寺

寺在丹稜縣西舊名白鶴唐大中末建內有浮圖宋重修蘇轍爲記明永樂初改今名狀元楊慎有詠塔詩

廣東通志

光孝寺

寺在廣州府城內西北一里本南粵王建德故宅三國吳虞翻居此以爲圃多植蘋婆訶子樹名曰虞苑晉隆和中僧闍賓始創爲王園寺劉宋永初間陀羅三藏飛錫至此指訶子樹曰此西番訶梨勒果之林宜曰訶林遂創戒壇預識曰後當有肉身菩薩于此受戒梁天監元年智藥三藏自西竺持菩提一株航海而來植於壇前曰吾過後一百七十年有肉身菩薩于此樹下開演上乘儀鳳元年僧慧能論風幡因

祝髮樹下遂建風幡堂神龍元年三藏於此譯楞嚴經唐相國房融筆授後宋經略蔣之奇建軒曰筆授軒宋太祖改爲乾明禪院高宗紹興二十年改爲報恩廣孝寺後易爲光孝咸淳五年重修元至元十二年重修兇率閣大定延祐間修鐵塔鑄齋僧大鑊明洪武十五年設僧綱司頒印置正副僧官二員凡遇慶賀先期有司于此習儀成化間欽定光孝寺名弘治七年僧定俊建四廊萬曆十九年勅修經樓天啓六年僧通岸建禪堂伽藍五祖等堂崇禎九年給事盧兆龍增石欄杆十四年李象蒙建亭殿左

淨慧寺

寺在府西北半里南漢時爲長壽寺梁大同三年僧曇裕建舍利塔曰寶莊嚴寺宋端拱中改名淨慧後元祐間林修建千佛塔紹聖間蘇軾至顏曰六榕明洪武六年毀其半以建永豐倉惟存塔及觀音殿八年僧堅愈於塔東重創佛殿啓門東向仍曰六榕二十四年併入西禪寺永樂九年復爲本寺

懷聖寺

寺在府城內西二里唐時番舞所創內建番塔輪囷直上一十六丈五尺明成化四年都御史韓雍建留達官阿都刺十七家居之塔巔有金鷄隨風南北每歲五六月舞人率以五鼓登絕頂呼號以祈風信不設佛像惟書金字爲號以禮拜焉洪武二十年七月金雞爲颶風所墮送京貯庫以銅易之亦爲颶風所墮萬曆庚子修復易以葫蘆

蒲澗寺

寺在府城北白雲山麓宋淳化元年建相傳安期生

以七月二十五日於此上昇粵人是日悉往澗中沐浴以期覩奉宋太守蘇鄉士大夫往遊謂之鰲頭會明學士何吾驥書額曰古蒲澗寺

寶陀寺

寺在靈峰山寺有寶陀佛因名焉明太監韋眷重修蘇軾謫惠州舟泊於此感夢遂爲詩云靈峰山上寶陀寺白髮東坡又到來前世得雲今我是依稀猶記妙高臺粵人呼爲小金山

西禪靈峰寺

寺在城西四里殿後石形如龜故名後魏提學毀建明大學士方獻夫祠寺內舊如來座跡墳之輒陷兩藩入粵審理曾法孔毀祠修復顏曰西禪原跡墳之始滿兩廣李棲鳳有文紀之續修萬佛樓記則巡撫董應魁撰焉

大通古寺

寺在大通灣南越劉晨時賜名寶光寺達岸禪師住此化去有肉身祈禱輒應政和六年經略使覺民題賜大通慈應禪院明萬曆六年大旱衆僧迎至訶林禱雨隨降復欲迎回本寺輿重舉之不動

海幢寺

寺在番禺琵琶洲明萬曆中勳卿郭榮光祿丞王學曾建九級浮圖培通省氣脈葺寺三座於前中爲制府生祠

長壽庵

庵在城西南五里舊順母橋故址明萬曆丙午巡按沈正隆至得疾士民爭走神祠誦觀音救苦經數日御史夢見一白衣婦人翼蔽而前詢之云來自城西

疾遂瘳因即舊地快建慈度閣以奉大士餘爲妙證
堂左右禪房悉備顏曰長壽地可八畝知縣劉廷元
益以白雲廢寺田四十三畝一分俾世香燈遂成名
利有御史碑記

華林寺

寺在城西一里梁普通七年西天達磨從本國來
汎重溟凡三周寒暑至此始建

寶林寺

寺在順德縣南鳳凰山之麓創始於五代季宋開禧
間鄉民嚴宗易更新之明嘉靖間僧懷樹文照文覺
募化重修爲祝聖習儀之所

資福寺

寺在東莞縣治西南漢邵廷珪建週圍四至四井爲
界元季毀明末樂十一年重修有羅漢閣舍利塔蘇
軾作羅漢閣記有再生柏以祖堂禪師去而枯迎師
回而復榮亦蘇軾爲之銘

無量寺

寺在香山縣東宋紹興間劉中行宅掘地得鐵佛遂
捨宅修建蕭惠叔又捨銅佛一軀元季毀明洪武十
一年僧本廉于已毀寶慶寺舊址起創仍舊額嘉靖
二年魏提學行文教諭顏階毀銅佛鑄匱豆二十四
以祀文廟七年遊僧重建

華山寺

寺在三水縣僧復庵建僧古溪重修內有金沙井關
龍鐘

廣慶寺

寺在清遠縣即清遠峽飛來寺梁普通間具俊禪師

建賜額至德宋康定二年改今額相傳具俊師原駐
舒州夜夢山神謁語曰中宿名勝也不可無寺鎮之
師許之是夜風雨大作黎明啓戶寺已飛至本山

北山寺

寺在陽山縣治北賢令山之東循石磴層折而上古
松遶逕清泉響澗石橋流水環門穿舍迴然別有天
地中爲上帝殿左爲文昌祠右爲觀音堂建觀音閣
于後以堂地改造三元祠明崇禎四年邑人歐陽熙
重建

延祥寺

寺初在韶州府湘江門內宋時解宇壯麗經樓有五
百羅漢像極精巧朱翼舍人常寓此後以寺基增建
王府遷寺曲江縣治西即舍人園亭故址明景泰間
重建嘉靖十八年都綱何應珍重修

仁壽光蓮寺

寺在府城西隋時名仁壽臺天寶二年有道廣和尚
坐化於此因建廣界寺南漢改曰仁壽宋寶元間重
建余襄撰塔銘相傳爲晉始興內史王導故宅宋孫
時敏有碑記

報恩光孝寺

寺在河西本唐大梵寺開元二年僧宗錫建名開元
寺太守韋宙請六祖說壇經處崇寧三年詔諸州建
崇寧寺政和中改天寧寺宋紹興丁巳專奉徽宗香
火賜額曰報恩光孝寺前堂有奉義義士像宋季駱
明曹時中碑記

南華寺

寺在城南六十里梁天監元年西僧智藥三藏謂此

山宛然西天寶林後二百年當有法寶來此演法唐
儀鳳間慧能傳寶梅衣鉢居此應識爲南宗六祖今
衣鉢與真身俱存唐元和十年賜諡大鑒禪師塔曰
靈照塔開寶間賜名南華禪寺塔毀明成化六年重
建寺有降龍塔伏虎亭卓錫泉遊難石曹溪水諸景

月華寺

寺在城南一百里天竺僧智藥開創唐招提明法師
演法之地紹聖初重建蘇軾題其梁曰上祝天子萬
年未作神主欽時五福敷錫庶民地獄天堂皆爲淨
土有性無性齊成佛道

龜峰寺

寺在樂昌縣南環抱縣治爲一邑關鍵

金船寺

寺在乳源縣遶水與水浮沉人咸異之

太平寺

寺在翁源縣西北二十里新塘鋪巖石嵯峨宮宇華
煥元元統間建明弘治中僧眞廣重修僉事劉慶祥
通判符錫知縣朱景運邑人黃器先俱有詩

耽石院

院在翁源縣長安鄉高山絕頂巨石如屏泉自石中
湧出唐大中三年有僧名耽玩建寺於此因名耽石
院宋余靖讀書於此有記明洪武初毀成化間重建

延祥寺

寺在南雄府城東二里宋大中祥符己酉建西有寶
塔九層世傳異人所造前有三影堂明洪武二十五
年立爲叢林正統丙寅重修翰林編修丘潛記內爲
僧綱司署

雲封寺

寺在梅關上唐時創名梅山院宋大中祥符三年賜今額元大德間嶺北叅政鐵柱建觀音閣路總管塔里牙赤作記明洪武二十五年立為叢林廣東布政使蒼梧吳廷舉有詩

寶成寺

寺在惠州府興寧縣城內舊為宣化寺明景泰三年本縣典史盧高建日久頽圯至嘉靖九年庚寅邑令吳梯重修左右有廊左為上帝殿南有六祖堂右為慚愧殿稍南有花公堂三十年辛亥邑令黃國奎盡復侵地前至老街後至新街萬曆十三年鄉宦李元鳳等重修

天寧寺

寺在肇慶府城東一里宋時建中有菩提樹二枝葉糾結陰覆梵宇

寧國寺

寺在陽江縣東北半里北山之陽唐武德五年僧覺起民徐玉鑑建有銅佛像遇旱禱雨則浴之輒應元至正十六年圯于兵火明洪武十四年重修

東洲寺

寺在高明縣治東郭外以鑄水口本縣滄溪水自西而東一瀉千里堪輿嘗病其空虛下流無底適邇年水起一洲肖魚遊水上此天造地設以阻水口也明嘉靖三十九年通邑紳衿里老具呈本縣徐純教諭管維乾訓導黃淳典史黃崑各捐俸及鄉紳士民各捐貲鼎建將治北延慶寺拆去改名于此有進士麥而炫舉人羅煥章碑記

天寧萬壽禪寺

寺在雷州府城西關外唐大曆五年建舊名報恩寺宋蘇軾寓此愛其幽勝題萬山第一四大字於門宋南渡李綱亦寓此宋末毀於兵火元住持僧石心重建明洪武十五年重修成化間郡守魏瀚以殿後觀音堂圯改建懷坡堂郡人羅璋記弘治丙辰太監陳榮捐貲復修左右翼兩樓懸以鐘鼓山門外墜石坊勒東坡四大字於扁寺後有一覽亭歲時祝釐成在於此

天寧寺

寺在瓊州府城外北一里宋時建初為天南寺元更今名明洪武癸酉詔僧錄司以無名庵堂歸併一寺因拆天寧堂殿宇于今基建兩廊為普庵六祖等堂丁丑指揮桑昭捐貲重建二殿三門其寺內佛像係各處庵堂所歸併者一應扁額皆教諭趙謙書郡邑迎詔習儀皆在於此宋樂間知府王修扁其門曰海南第一禪林正統六年韓真祐捐貲重建正殿八年知府程瑩闢地為觀音閣及大雄寶殿暨諸樓閣法藏僧舍齋堂御史堂丹記成化間僧普明重修二堂及外門知縣陳輝記正德丁丑僧善慧重修萬曆戊寅唐守司建亭於正殿乙巳知府翁汝遇重建萬壽亭僧普有募修正殿尚書王弘誨有記設僧綱司在本寺內住持原有寺田三十六丁

普明寺

寺元至治元年辛酉文宗潛邸于城南創觀音閣及還戊辰即位賜名大典龍普明禪寺置規運提點所設官六員命翰林撰記

廣西通志

棲霞寺

寺在桂林府城東七星巖下唐時建內有藏經樓聽月亭壽佛峒香積廚順治八年楚僧譚融募化拓建殿閣亭臺備極宏麗佳勝

鑑山寺

寺在陽朔縣治南壽陽山下有佛母宮輪藏康熙十五年知縣陳石庵修相傳萬曆時寺內鐘常入潭與龍鬬後鐘化龍去人見於昭平道中猶勒朔人姓氏

報恩光孝寺

寺在全州湘山即無量佛道場唐元和二年建宋紹興十三年賜額明洪武十六年間設僧正司中有亭榭佳勝

香海庵

庵在梧州府岑溪縣城西百花洲明崇禎間知縣錢夢蘭建洲島縈迴松竹陰蔭頗稱佳勝

景祐寺

寺在潯州府即南山寺唐武后賜經五千卷建樓貯之宋太宗賜御書二百二十四軸元順宗幸其寺明建文遊寺有詩

報恩寺

寺在南寧府橫州北郭宋嘉定間建成淳及元至順明永樂正統嘉靖俱重修佳勝為州治冠吳悟齋詩有草廛人來雙葉下松扉雲去一僧眠之句

佛壽寺

寺在橫州城南宋紹興建明建文君南遜寓居十五年人不知也徒衆歸者以千數今寺額壽佛禪林四

字乃其手筆忽一日作詩曰讀罷榜嚴聲懶敲笑看黃屋住團氈南來障嶺千尋險北望大門萬里遙款段久忘飛鳳輦榮新換哀龍袍百官侍從歸何地惟有羣鳥早晚朝遂爲人覺奔往田州土官庭自明爲建文君官司震愕因啓將若何答曰吾老矣欲送骸骨歸帝鄉因送之赴京

西竺寺

寺在慶遠府城西明建文君雲遊寓此時彭英者視衛家先曾侍帝遇之嗚咽不自勝饋蒸羊帝起作偈繞而誦之乃食既登舟英復多所贈帝解所乘馬酬之復作偈曰蹴路人間知幾年艱難險阻共周旋我今別爾東西去何日相逢兜率天及解纜馬忽騰躍而驚

貴州通志

大典國寺

寺在貴陽府城中元至正間盧陵賈人彭如玉建明洪武二年遊僧南宗重修萬曆三十年寺僧法印赴京請大藏經回巡撫郭子章建閣貯之南京諭德黃輝題曰龍輪寶藏丁亥賊毀壬辰年重建

永祥寺

寺在府城內西南隅舊名潮音明成化太監鄭忠重建勅賜今額

陽寶山寺

寺在貴定縣北前後兩寺爲一方名勝

圓通寺

寺在安順府治南廟石爲柱長三丈餘後有石塔古柏

二教寺

寺在平越府城東南明洪武間副使趙之屏建崇禎十二年郡人樊師孔捐貲請藏經於寺子都建閣貯之

釋慈寺

寺在湄潭縣城北三里有古鐘常不叩自鳴

中山寺

寺在鎮遠府城東東巖明郡守黃希英建木部郎趙之緒購藏經構層樓以貯之

吉祥寺

寺在府治南明永樂初建建成化丙午重修古檜二株蒼翠盤曲如虬

雲南通志

五華寺

寺在雲南府五華山舊名憫忠元至正時建明定邊伯沐昂都督沐璘增修樓曰聚遠堂曰泰然亭曰眞意正殿有建文帝獅子座今止存正殿

圓通寺

寺在螺峰山建自蒙氏元延祐間重修梵宇幽深石磴旋折危欄飛閣盡依翠壁丹巖回視龍江環抱北郭其前則萬家烟火掩映於蒼波浩渺中時一登臨疑其非人間世也

抄湛寺

寺在官渡里元時建規模弘敞甲東鄉諸刹邑人李傑建毗盧閣於後左有玉皇閣右有文明閣登此則遠近湖山盡歸一覽

抄高寺

寺在三華山蒙氏建林壑幽奇棟宇璀璨不假拂拭自無塵埃滇中疊遭兵燹此寺林木獨存信爲福地

佛嚴寺

寺在太華山腹元僧鉉鑑建紺宇琳宮左右焜燿內有碧蓮室繚緲樓思召堂一碧萬頃閣

抄定寺

寺在羅漢山殿閣重重綴於峭壁殿南爲龍王廟上數十武有壽佛殿師殿飛雲閣傍有趙道人墓北有靈官殿三清閣玉皇閣太清宮自山半斜逕而下有朱家庵懸巖架木若樓鶴危巢登此以望昆池烟霞變幻陰晴皆奇觀

靈芝寺

寺在富民縣西南五里元延祐間開地得靈芝五本故名一邑之勝

盤龍寺

寺在晉寧州東五里山秀泉幽萬松葱鬱元至正間神僧蓮峰建明初僧祖源重修

華嚴寺

寺一名大雲寺在舊三泊縣南四十里元僧大雲建後廢明正統中僧古庭寓其內夢大士告曰木樨樹下有碑試掘之果得大雲舊記遂募修焉

報恩寺

寺在曲靖府南寧縣城東青龍山內有吟嘯樓明萬曆二年郡人唐時英建

玉泉寺

寺在南寧縣城西南龍頂山寺傍有溫泉如玉故名元至正年重修

善覺寺

寺在臨安府阿迷州東創自明正統間壯麗巍峨爲州偉觀

湧金寺

寺在臨安府通海縣秀山嶺螺峰下倚山面水林木鬱葱元僧東巖建有王景常重修記

鳳翔寺

寺在潯江府河陽縣城東二里明隆慶五年知府徐可久建習儀之所

五龍寺

寺在武定府祿勸州東北五十里撒馬邑林木深密石隙玲瓏周圍出清泉數處故云五龍近寺一帶田畝賴其灌溉

瀘源寺

寺在廣西府治西五里傍有洞深查不可測爲郡中名勝

感通寺

寺在大理府太和縣城南十二里漢時摩騰竺二法師由天竺入中國時建明太祖有御製詩十八章賜僧無極今存

崇聖寺

寺在太和縣城西北寺凡三塔其一高十餘丈十六級其二差小各錯金爲頂頂有金鵬世傳龍性敬塔而畏鵬大理舊爲龍澤故以此鎮之寺有觀音像高二丈四尺唐蒙氏時董善明鑄有兩銅供冶之異傍爲瑞鶴觀嘉靖間修

弘聖寺

弘聖寺

寺在太和縣城西南有塔高十丈爲教十世傳周時阿育王建明嘉靖間郡人李元陽重修修撰楊慎記

帝釋寺

寺在太和縣西北應樂峰其地靈異夜半或聞天樂聲

鶴頂寺

寺在太和縣南佛頭峰之半盤龍禪師所建明嘉靖間重修今殿中拜石有禪師足跡深六分

靈塔寺

寺在太和城南斜陽峰麓唐段赤城誅蟒爲蟒所食人思其功于蟒腹中取其骨葬之建塔其上山半爲寶林寺

羅空寺

寺在洱河東玉案山初洱河多有龍覆舟神僧道安結庵此地夜間童子百餘人語曰師至吾屬不安蓋遷去師厲聲曰是法住法住安從遷明日水浮死蟒百餘海患乃息因創寺西有天鏡閣

飛來寺

寺在趙州北五里昔傳有佛像飛來

道勝寺

寺在趙州南百里唐時張建成入朝賜以浮屠像并佛書建成歸勸寺藏之

水目寺

寺在水目山段氏時楊普濟經始明洪武二十四年僧志圓成之舊有虎窩風洞黃龍木犬之異至今遺址尚存

般若寺

般若寺

寺在雲南縣北八里有寶燈飛入雙塔中夏夜常見光明

傳衣寺

寺在雞足山相傳昔釋迦佛以僧伽梨衣付弟子迦葉波以待彌勒迦葉持衣于雞足山入定寺以此名今稱華首門即此處也北有淨雲庵東北爲八角庵後爲彌勒庵圓通庵自淨雲而北爲般若庵菩提場折而西爲五華庵圓淨庵大乘庵龍華寺前爲了空庵南爲雲海庵海會庵白石庵庵東有彌勒寺東北爲鉢孟寺大士庵東南爲白水庵西南爲淨覺庵其頂有舍利塔曹溪庵護法堂慧靈庵北麓寺奉眞院普光寺皆雞足山之名刹也

石鐘寺

寺據雞足山之阿其懸巖扣之如鐘

龍泉寺

寺在永昌府保山縣南門外前有泉從地湧上建一鑑樓

天興寺

寺在保山縣東二百里寶臺山初樵牧聞其山有雞大聲跡之不見明泰昌元年僧金臺鑿石誅茅窮其勝得異境因建寺

天應寺

寺在騰越州羅生山墀前之地雨則曉晴反潤屢驗不爽

雲泉寺

寺在楚雄府楚雄縣西一里鳴鳳山巔中隱怪石擊之有聲俗名響石寺

般若寺

般若寺

般若寺

般若寺

觀音寺

寺在楚雄西臥龍岡所奉觀音像傳有漂水逆流之異

龍蟠寺

寺在廣通縣羅宜甸東明嘉靖間鑿水爲河甃石爲橋以便往來知縣沈嘉言有碑記

絕峰寺

寺在黑井司治北自麓至嶺約十里危峰疊翠迥出雲表明嘉靖間李文忠修今名接天寺

白雲寺

寺在定邊縣西六十里山環水遶常有白雲凝結

竹掃寺

寺在太極山頂去縣六十里有虎跳澗拜佛臺木蓮花諸勝每竹葉落時風自掃去

天花寺

寺在定邊縣北內有攀枝花花艷則年豐淡則年歉

德雲寺

寺在姚安府姚州治東北四十里妙峰山上旁有龍湫明萬曆中禪僧周理將建寺周行山頂見白衣老僧出入叢菁中遂結茅其地或風雨驟至水暴漲將沒庵周理跌坐不動翔午水退有龍神受戒遂以其地建寺歲時祭龍不用血食今山頂不動庵猶存

飛來寺

寺在姚州治西南六十里明萬曆中黔國公沐昌祚鑄金像玉皇送雞足山供奉途次苴里鋪夜忽不見逾月有樵者見像於大苴村元和山之巒報聞因建寺以奉焉

蘭若寺

寺在鶴慶府觀音山驛西南三里有石洞深五丈闊三丈巖嶂岑蔚飛泉瀑布清氣襲人

石龍寺

寺在劍川州南五里石壁有生成觀音像

等覺寺

寺在蒙化府東南隅蒙氏所建明末樂間重修內有毗盧閣輪藏殿觀音殿燃燈殿習儀之所

欽定古今圖書集成博物彙編神異典

第一百十二卷目錄

僧寺部藝文一

頭陀寺碑文

善覺寺碑

慈覺寺碑

相宮寺碑

神山寺碑

爲人作造寺疏

謝勅齋柏利柱并銅萬勛啓

奉阿育王寺錢啓

大愛敬寺刹下銘

揚州梁安寺碑序

鍾山飛流寺碑

曠野寺碑

郢川晉安寺碑

攝山栖霞寺碑

歸來寺碑

善覺寺碑

梁安寺刹下銘

構象堂

枳園寺刹下石記

法王寺碑

上錢隨喜光宅寺啓

光宅寺刹下銘

栖禪精舍銘

有序

有序

南齊王市
梁簡文帝

同前

同前

同前

同前

同前

同前

同前

同前

同前

同前

同前

同前

同前

同前

同前

同前

同前

同前

同前

同前

王僧孺

天光寺碑

開善寺碑

栖隱寺碑

平等刹下銘

孝義寺碑

齊國宋司徒寺碑

長干寺衆食碑

報德寺刹下銘

攝山棲霞寺碑

大壯嚴寺碑

懷安寺刹下銘

鹿苑賦

大覺寺碑

仰山寺碑

定國寺碑

寒陵山寺碑

井州寺碑

景明寺碑

獻武皇帝寺詔

爲武成帝以三臺宮爲大興聖寺詔

陸倕

王筠

劉孝綽

陳徐陵

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

前入

神異典第一百十二卷

僧寺部藝文一

頭陀寺碑文

南齊王市

蓋聞挹朝夕之池者無以測其淺深仰蒼蒼之色者不足知其遠近况視聽之外若存若亡心行之表不生不滅者哉是以掩室摩詰用啓息言之津杜口毗邪以通得意之路然語藝倫者必求宗於九疇談陰陽者亦研幾於六位是故三才既辨識妙物之功萬象已陳悟太極之致言之不可以已其在茲乎然又繫所筌窮於此域則稱謂所絕形乎彼岸矣彼岸者引之於有則高謝四流推之於無則俯弘六度名言不得其性相隨迎不見其終始不可以學地知不可以意生及其涅槃之蘊也夫幽谷無私有至斯響洪鐘虛度無來不應况法身圓對規矩冥立一音稱物宮商潛運是以如來利見迦維託生王室惠五衍之軾拯溺近用開八正之門大庇交喪於是元關幽鍵感而遂通遙源清波酌而不竭行不捨之檀而施治羣有唱無緣之慈而澤周萬物演勿照之明而鑒窮沙界導亡機之權而功齊塵劫時義遠矣能事畢矣然後拂衣雙樹脫屣金沙惟恍惟惚不暇不昧莫繫於去來復歸於無物因斯而談則棲遑大千無爲之寂不撓焚燎堅林不盡之靈無歇大矣哉正法既沒象教陵夷穿鑿異端者以違方爲得一順非辯僞者比微言於目論於是馬鳴幽讚龍樹虛求並振頑網俱維絕紐陰法雲於真際則火宅晨暉曜慧日於康衢則重昏夜曉故能使三十七品有櫛祖之師九十六種無落離之固既而方廣東被教肆南移周魯二

莊親昭夜景之鑒漢晉兩朝並勒丹青之飾然後遺文間出列利相望澄什結轍於山西林遠肩隨乎江左矣頭陀寺者沙門釋慧宗之所立也南則大川浩汗雲霞之所沃蕩北則層峰削成日月之所迴薄西眺城邑百雉紆餘東望平阜千里超忽信楚都之勝地也宗法師行絜瑋璧擁錫來遊以爲宅生者綠葉空則綠廢存軀者惑理勝則惑亡遂欲捨百齡於中身殉肌膚於猛驚班荆蔭松久之宋大明五年始立方丈茅茨以庇經象後軍長史江夏內史會稽孔府君諱觀爲之薙草開林置經行之室安西將軍鄂州刺史江安伯濟陽蔡使君諱典宗復爲崇基表刹立禪誦之堂焉以法師景行大迦葉故以頭陀爲稱首後有僧勤法師貞節苦心求仁養志纂修堂宇未就而沒高軌難追藏舟易遠僧徒聞其無人椽椽毀而莫構可爲長太息矣惟齊繼五帝洪名紐三王絕業祖武宗文之德昭升嚴配格天光表之功弘啓典復是以維新舊物康濟多難步中雅頌聯合韶濩炎區九澤沙塲一候粵在於建武焉乃詔西中郎將鄂州刺史江夏王觀政蕭維樹風江漢擇方城之合典酌龜蒙之故實政肅刑清於是乎在寧遠將軍長史江夏內史行事彭城劉府君諱誼智刃所遊日翬月故道勝之韻虛往實歸以此寺業廢於已安功墜於幾立慨深覆實悲同棄井因百姓之有餘兼天下之無事庀徒揆日各有司存於是民以悅來工以心競互丘被陵因高就遠層軒延表上出雲霓飛閣逶迤下臨無地夕露爲珠網朝霞爲丹牖九衢之草千計四照之花萬品崖谷共清風泉相淚金安寶相末藉

閑安息心了義終焉遊集法師釋曇珍業行淳修理懷溫遠今屈知寺任永奉神居夫民勞事功既饒文於鐘鼎言時稱代亦樹碑於宗廟世彌積而功宜身逾遠而名効敢寓言于彫篆庶髣髴乎衆妙其辭曰質判元黃氣分清濁涉器千古含靈萬族淳源上派漢風下韻愛流成海情塵爲岳皇矣能仁撫期命世乃瞻中土聿來迦衛奄有大千遂荒三界殷鑒四門幽求六歲亦既成德妙盡無爲帝獻方石天開淥池祥河輟水寶樹低枝通莊九折安步三危川靜波澄龍翔雲起者山廣運給園多土金粟來儀文殊戾止應乾動寂順民終始法本不然今則無滅象正雖離希夷未缺於昭有齊式揚洪烈釋網更羅元津重樞惟此名區禪慧攸託倚據崇巖臨脫通壑溝池湘漢堆阜衝霄撫膺亭阜幽幽林薄媚茲邦后法流是挹氣茂三明清超六入眷言靈宇載懷興茸丹刻羣飛輪奐離立象設既開辟容已安柱深冬燠松疎夏集神足游息靈心往還勝幡西振貞石南刊

善覺寺碑

梁簡文帝

蓋聞在天成象倬彼雲漢在地成形嵩高惟嶽蒼蒼幹運靈樞猶且去來巖巖峻極巫咸可以升降穆賁煥宿植達因已于恆沙佛所經受記勃有緣安婆降迹斯土行邁英皇德降降附河南望浮雲之瑞新野表升天之祥光前絕後建茲福地乃于建康之太清里建善覺寺焉大通元年龍集己酉有令使立碑文未復構譖居諸不息寒暑推移軒輊風傾前星大掩歲在諏訥始得補綴何言之陋何事之隆竊等仲由空悲負粟之哽復異桓良終無維山之日永言纏慕

獨咽丹心銘日效彼毗城建斯福舍四柱浮懸九城靈架重樂交峙迴廊遙迂掩映花臺崔嵬蘭樹陽燧暉朝青蓮開夜

慈覺寺碑

同前

竊以易表含貞記稱厚載龍星啓曜壁月儀暉是以河外黃雲沙傍崩靡故能發緯伊緒重關劉系亦有觀津美于西漢扶風盛彼東京未若樊川之邦宛葉之境休祥茂祉獨繁前迹莊姬流譽之所烈后興業之地南陽稱其何氏新野猶曰鄧家迷彼遐蹤履履今慶貴嬪金聲早振淑範增徽才實母師行爲女楷窮茲四德洞彼六經溫明內湛慈慧天發網緝慶璇枝聯休紫漢幸得骨無負斧任重東新實以契闔言提綱繆善誘事具從居義深則聆而叨恩作牧覺結幽祇一訣椒慈長違寶幄風枝弗靜防吧何期祇奉儲訓謬茲刊撰道長業大遺範事隆嗟油素之可捐懼故老之難述

相宮寺碑

同前

真人西滅羅漢東遊五明盛土並宣北門之教四姓小臣稍罷南宮之學超洙泗之濟濟比舍衛之洋洋是以高簷三丈乃爲祠神之舍連閣四周並非中官之宅雪山忍辱之草天宮隨樹之花四照芬吐五衢異色能令扶解說法果出妙衣鹿苑豈祇祇林何遠皇太子蕭緯自昔蕃邸便結善緣雖銀蓋寡金地多闕有愆四事久立五根泗川出鼎尚刻之罽之石岷峨作鎮猶銘劍壁之山矧伊福界寧無鐫刻銘曰洛陽白馬帝釋天冠開基紫陌峻極雲端實惟爽塏棲心之地譬若淨土長爲佛事銀鋪曜色玉礎金光

塔如僊掌樓疑鳳凰珠生月魄鐘應秋霜鳥依交露
幡承杏梁憲舒意藥室度心香天琴夜下絀馬朝翔
生滅可度離苦獲常相續有盡歸乎道場

神山寺碑

同前

天地始終悠長不極劫數沙塵寂寥誰辨離鐵界銅
圍如影如幻補石攀金隨生焰滅獨有驚岳靈境淨
土不燒螺髻金質聲聞難親故髮塔喜園流名天上
者山鵠施布跡人中自非莊嚴妙土吉祥福地何以
標茲淨域置此伽藍皇太子殿下幾圓上聖智周物
外澄明離日照影春星長歌安勝表察書之獨見馳
道迴車驚班輪而不絕銘曰開號天井山稱地雖碧
鷄金馬越演梁池懷靈蘊德孕寶含奇此亦僊岫英
名遠摘昔有驚窟不燒淨土適彼高蹤構茲法宇引
葉成帷即樹爲柱石砌危橫崖階斜豎

爲人作造寺疏

同前

竊以布金須達表精舍于給園影石仙人造伽藍于
離越莫不事表區中心憑翼外但四纏惑惱去善源
而無繇五濁重贖非慧刃而安揮故以愍彼渴薪傷
茲滴器今于鄂州某山爲十方僧建立招提寺紫負
郊原面帶城雉枕倚岩壑吐納煙雲重門洞啓未創
飛行之殿步欄中霄猶寡密石之功嚴飾之理難階
瓶鉢之資已罄道俗儻能微蓄善念薄獎勝緣則事
等觀香義同錫乘昔人修檀手雨七寶前賢薄施掌
出雙金福有冥移言無多遜謹疏

謝勅齋柏利柱并銅萬筋啓

同前

臣綱啓傳詔呂文强奉宣勅勅臣齋臣柏利柱一口銅
一萬筋供起天中天寺九牧貢金千尋挺樹未曜梵

輪方與寶塔夏差神鼎晉憑相風使福被域中功從
無外臣以庸愚稟承勝善樂受遍心思光勳召銘荷
之誠無詞致謝不任頂戴謹奉啓謝聞

奉阿育王寺錢啓

同前

臣綱言臣聞八國同祈事高于法本七區皆謹理備
于湧泉故牙林白鐵無因不覩金瓶寶函有緣斯出
伏惟陛下懸天鏡于域中運大權于宇內三有均夢
則臨之以慧日百藥同枯則潤之以慈雨動寂非已
行住因物無能名矣臣何得而稱焉故以照光赤書
則前史之爲瑞珥芝景王嚙往代之爲珍難遇者乃
如來真形舍利照景蜜瓶淨光德水如觀物鎖似見
龍珠自非聖德威神無以值斯希有天人頂戴遐邇
歸心伏聞阿育王寺方須莊嚴施用萬金檀豐十藏
寶陳河府泉出水衡比丘持土大厦方構羅漢引繩
高塔將表不勝喜忭謹上錢一百萬雖誠等散華心
荷不盡而微均滴瀝隨甚鄰空輕以塵聞伏啓悚汗
謹啓

大愛敬寺刹下銘

同前

夫波若真空導羣生於假域涅槃有岸引未度於
無邊應此十千現茲權實隨方攝受孰能弘濟皇
帝照盡神原心凝寂境深慈降迹下答蜚蜚握鏡
斷鼉經綸世阻故天地貞觀日月重光業曠四弘
功俾十力慧雲旦聚浸澤灑於遐外法炬夜明揚
光燭於梵頂因心孝愛追契神明昭事誠享曰隆
哀敬金車答瑞追德慶於虞年甘露登祀比嘉祥
於漢日既而理局遙圖事稽終典思所以功超域
外道邁寰中廣樹大緣增隆勝善事等淨名齊方

便于圓極跡均妙掌藥兩寶于冥因乃於鍾山竹
澗奉爲皇考太祖文皇帝造大愛敬寺焉惟茲神
岳勢負龍形均太華之四成狀彭門之雙起曲澗
推移激水精之浪清風竊蕩蕩散雲母之竹顯帶皇
邑標地德之慶雲彌望帝躋騰神居之敞麗昔鴈
泉之願眞如所騰驚形之岳大聖攸居創此伽藍
同符往迹以普通三年歲次壬寅二月癸亥朔八
月庚午建七層靈塔百旬既聳千竈乃設漸山啓
基踰於禁蘇國土金利長表邁于意樂世界殊幡
轉曜寶鈴韻響開聲者入道見形者除累仙衣梵
帶去鴈塔而來遊天香風笙解鶴城而下集靈祇
叶贊有識歸依四將五龍翹勤翼衛八臂三目頂
帶護持雖復劫盡恆沙衣消巨石儼如常住妙相
長存作銘曰

朕哉磨聖至矣炎精功昭風紀德契雲冥符七覺
爰極四生儀形懋典道駿有聲皇心閱睟理篤天誠
八萬神構二四雲井懸梁浮柱杳起飛楹日輪下蓋
承露上擎玉函蘊色珠髮輞明花窟炎聚石影光輕
天下欽仰幽顯贊成法舟斯濟惠海方清淨界無毀
金地永貞

揚州梁安寺碑序

元帝

竊以陽之有宗者莫擬於靈鳥夜之有光者孰踰於
陰兔故以日門見羲和之色月殿望奔娥之象而合
璧迢遞丈尺猶且莫量明鏡悠遠積空之所不算復
有紫鳳青龍之水却月朝霞之山白桂元璧饒瑤池
之上銀闕金宮出瀛洲之下空臺四柱隨仙衣而俱
麗寶璽三重映瑞園而涵影梅檀散馥無復圓覺之

風地涌神翁皆成多寶之塔

鍾山飛流寺碑

同前

清梵夜聞風傳百常之觀寶鈴朝響聲揚千秋之宮
同符上隴望長安之城闕有類偃師瞻洛陽之臺殿
瞰連甍而如綺雜奔木而成帷銘曰雲聚峰高風清
鐘微月如秋扇花疑春雪極目千里平原迢遙

曠野寺碑

同前

雲楣膠葛桂棟陰崇刻虬龍於洞房倒蓮花于綺井
月殿明而相暉雪宮穆以華壯轍轅璇題虹梁生於
暮雨瑛瑛銀榜飛觀入乎雲中銘曰圓瑤且輝方諸
夜明金盤耀色寶鈴成響

鄂川晉安寺碑

同前

風凰之嶺羊綿映色蓮花之洞照曜增輝山云黃鶴
疑鈞天之夜響城稱却月似輕雲之霄蔽銘曰虹梁
紫柱嶠嶠丹牆綺井飛棟華椽璧璫應龍若動威鳳
疑翔玉鳥霄潤金池夕光朱城却稅紫陌潛通塹柳
朝綠江暉暖紅落霞將暮鮮雲夕布峰下陽鳥林生
陰兔分輝隔浦皇櫓隱霧俱聽法鐘同觀寶聚

攝山栖霞寺碑

同前

金池無底已通寶壺之側玉樹生風傍臨綵船之上
七重欄楯七寶蓮花通風承露含香映日銘曰苔依
翠屋樹隱丹楹潤浮山影山傳洞聲風來露歇日度
霞輕三災不毀得一一而貞

歸來寺碑

同前

幡影颺於祥臺梵聲依於應塔三相不留蕭聲終壞
八苦遐長燈蛾未已銘曰鈴隨風振盤依露法丹桂
無枝朱楊自剪九苑萌枯三昧葉萎疏樹搖落飄流

清淺

善覺寺碑

同前

金盤上疏非求承露玉馬前臨寧資潤礎飛軒絳屏
若丹氣之爲霞綺井綠泉如青雲之入呂寶繩交映
無慙紫紺之宮花臺照日有跡白林之地銘曰聿遵
勝業代彼天工四園枝翠八水池紅花疑鳳翼殿若
龍宮銀城映浴金鈴響風露臺今月珠幡拂空

梁安寺刹下銘

同前

阿闍崛囉洞房窈窕似靈光之金扇類景福之銀鋪
垂瓊瑤之文瑤飾琅玕之仙寶神童戾止亟連翩於
威鳳薩埵來遊屢徘徊於紺馬有識之所虔仰無著
之所招提觀慧樓而下拜望天街而興善辭曰塵沙
無始造色無先飛蛾不息繁聲自纏繞蛇未斷藤風
方緣苦流長汎愛火仍燃響珠執曉懷寶詎宣挺茲
靈覺時惟天仙眞藉表聖化乳稱權寶刹千道高翻
四懸鳳樓含日龍臺吐煙紫山翠羽紅水青蓮雪宮
月殿晨暉夜圓宵長梵響風遠鐘傳仙衣有拂靈刹
無邊

構象臺

江淹

曰上妙兮道之精道之精兮俗爲名名可宗兮聖風
立立聖風兮茲教生寫經記兮書圖利畫影像兮在
丹青起淨法兮出西海流梵音兮至東溟網紫宙兮
洽萬品冠璇寓兮濟羣生余汨阻兮今至南國跡已徂
兮心未局立孤臺兮山岫架半室兮江汀累青杉於
洞構積紅日於林樞雲八重兮七色山十影兮九形
金燈兮江離環軒兮匝池相思兮豫章戴雪兮抱霜
栽異木而同秀種雜草而一香苔蘚生兮繞石戶蓮

花舒兮繡池梁伊日月之寂寂無人音與馬迹航神
情於雲運守息心於端石求結意於鷲山長樵悴而
不惜

枳園寺刹下石記

沈約

佛教東流適末尤著始自洛京盛於江左晉故車騎
將軍瑯琊王邵元悟獨曉信解淵微于太祖文獻公
清廟之北造枳園精舍其始則芳枳樹離故名因事
立雖房殿嚴整而瓊刹未樹邵元孫尚書僕射南徐
州大中正與深達法相洞了宗極動誠外著仁隱內
弘食不過中者一十一載雖翼務朝端而事鄰柰圖
日者作輸湘州樹慶騰服位與年升秩隨歲厚顧惟
恩隆主盼寵結皇情任處東方寄深外屏徒欲盡能
竭慮知無不爲下被民和上宜聖澤而自以力弱途
遠終慙短効且義止今生報賽來果非所以酬鴻貺
于冥津暢丹誠于遐劫自乘傳衡阜辭簪派渚誓于
舊寺光樹五層捐割藩俸十遺其一凡厥所收三十
有六萬齊之未明六年六月三日蓋水運將啓之令
辰上帝步天之嘉日乃抗崇表于蒼雲植重廟于元
壤仰願宸居納祐福履攸歸八神肇室萬祇翼體寶
祚隆邈比固須彌靈算遐永齊軌常住諸聖延祥挹
天和於少極藩王碩茂播宗英于梁楚羣后流克讓
之風庶民垂可封之德含生愷樂物不天性嘉穀年
登餘糧栖畎夷荒內附邊城解析家備十善人懷六
度魔衆稽顙外道屈膝抽薪止火折劍摧鋒拯幽酸
于無澤防神化于有頂三界五道咸同斯願刊石重
填式昭厥心

法王寺碑

前人

昔周師集於孟津漢兵至於垓下窮商聲平茲地瘡楚由乎斯城慧雲匪由觸石法雨起乎悲心驅之仁壽度之彼岸濟方割於有頃撲既燎於無邊陸旗風摩水陣雲披紫山為堞失其九天之險負壑為隄會無一輩之閭昏師反接偽牧泥首掬指則河舟尚虛委甲則熊嶺非峻乃按兵江漢誓衆商郊因斯而運斗樞自茲而廓天步業隆於夏功高代殷濟橫流而臣九服握乾綱而子萬姓眷言四海莫不來王比惟余宅寧止西顧臨朝夕之澤池帶長洲之茂苑藉離宮於漢舊因林光于秦餘迴廊散匝複殿重起連房極勝周堵如雲銘曰往劫將謝災難孔多炎烈火森森洪波聚爲丘岳散成江河俗緣浮詭眞諦遐長匪因希尚曷寄舟梁標功顯德事歸道場祁祁法衆同茲無我振錫經行祇林宴坐或期寂滅或念薪火惆悵三明徘徊四果

上錢隨喜光宅寺啓

前人

伏惟中陽故里春陵舊居夷漫滌蕩曾無遺築若使大教早流法邇二代開塔白水樹利粉榆可以傳美垂跡迄今不朽

光宅寺刹下銘

有序

前人

光宅寺蓋上帝之故居行宮之舊兆揚州丹陽郡稜陵縣某鄉某里之地自去茲邠毫來儀京輔拓宇東第咫尺武城閭聖心留愛閑素還負南廓義等去鄧事均徒鎬及克濟橫流斯寶運命帝開以廣闢即太微而爲宇既等漢高流連於豐沛亦同光武眷戀於南陽思所以永留聖迹垂之不朽令事與須彌等固理與天地無窮莫若光建寶塔式

傳於後乃以大梁之天監六年歲次星紀月旅黃鍾閏十月二十三日戊寅仲冬之節也乃樹利元壤表峻著雲下洞淵泉仰迫星漢方當銷巨石於賢劫拯未來於忍土若夫朱光所耀形雲所臨非止天眷兼因地德皇帝乃啓扉闔闔造舟淮漢接神廳而動騁越浮梁而運度之蓋容與翠華載下輦停蹕躬展誠敬廣集四部揆景同疏弘此廣因被之無外同由厥路俱至道場乃作銘曰
八維悠闊九服荒茫靈聖底止咸承厥祥壽丘履履電繞樞光周原膺膺五緯入房自茲退復在處弗忘安知若水寧辨窮桑自天攸縱于我維皇即基昔兆爲世舟航重櫓累構迴利高驤土爲淨國地即金林因斯太極溥被翔翔豈徒三界寧止十方濡足萬古援手百王一念斯答萬壽無疆如日之久如天之長

栖禪精舍銘

有序

前人

此寺征西蔡公所立昔則番虞預班經創之始今重遊踐暨舊典懷故爲此銘以傳芳迹
巖靈旅逸地遠栖禪蘭房葺蕙嶠苑焚煙南瞻巫野北望淮天遙哉林澤曠矣江田空心觀寂慧相淳奎眷惟斯踐愴愴遐年游仁廟遠宅賞憑旂頌創神苑陪構靈樑瞻崇拓圖望驚疏山裂石調響栖理凝元曠移羽旆眇別松泉委組東國化景西蓮繼照更改蓮華粗遷重依漢遠復逐旌懸往辭妙幄今承梵筵八翻海鶴九噪嚴蟬華長掩慈迹空傳式籍雲棋敢告祥緣

中寺碑

王僧孺

夫玉律追天躔次之期不愛緹室候景發斂之氣罔

踰是以忘言種覺絕累於後心寄像聲形啓機于前救兼眞假之雙燭均空有而兩忘蘊三明而過十地圓萬行而包四等道周百億化起大千獎導羣有滋濡萬類是用發廣大心吐微妙理將同商主取喻醫王開方便門示眞實相固已濯之慈水銷以慧刀未言六趣用均一子中寺者晉太元五年會稽王司馬道子所立也斜出旗亭事非泱隘傍超壁水望異狹斜天監十五上座僧慧等更授日締焚赫然霞立信以填金可持引繩斯擬寫妙金樓模麗瓊閣峯曉偃蹇故三休而可至苾芻周流方中宿而斯盡萬極百棋合沓相持綉稅玉題分光爭映獨龍天矯將舉復還威風鏗鏘如鳴更戢旁振鏤檻斜斜斜砌煥煥金鋪玲瓏綺構無風自響不拂而淨耽耽肅肅信息心之勝地穆穆悄悄固忘想之嘉所銘曰元黃雖弭權輿未測生滅相輪成壞不極篋蛇爭赴藤鼠無息情塵莫捨心火方赫是用三明實開五力湛寂無方示現多所踟躕吉樹殷勤禪消斯道誰匡烝哉我王施踰寶鉢供等檀林蕭官改構梵宇方壯階飛瑞采地起泥香日流閃爍風度鏗鏘道踰厥極固與天長

天光寺碑

陸倕

法雲日聚則浸潤被乎重沙慧日晨登則輝光燭於有頃皇帝乃把神珠握靈鏡擊天鼓撞地鐘驅日月之師勒星辰之陣九流外籍五明內典鳥策餘文龍宮遺教莫不神遊芳奧跡偏門牆思洞希微言窮名象抵階凌虛瓊籬鬱鬱可使龍城愧飾旌塔慚矜日宇奪輝月宮掩麗昔者姬水壽丘載紀山川之目丹陵負夏僅傳鄉黨之名歌酒故邑賜復窮乎身世燼